

Alun Davies AC
Gweinidog y Gymraeg a Dysgu Gydol Oes

28 Gorffennaf 2016

Annwyl Alun

Cyllideb Ddrafft Llywodraeth Cymru ar gyfer 2016-17

Hoffwn eich gwahodd i gyfarfod o'r Pwyllgor ddydd Mercher 2 Tachwedd 2016 i roi tystiolaeth mewn cysylltiad â chyllideb ddrafft Llywodraeth Cymru ar gyfer 2017-18.

Disgwylir i'r sesiwn dystiolaeth gymryd awr, gan ddechrau am 11.00. Cynhelir y cyfarfod yn Ystafell Bwyllgora 3 yng Nghynulliad Cenedlaethol Cymru ym Mae Caerdydd. Byddai'n ddefnyddiol pe gallech ddarparu papur dwyieithog i'r Pwyllgor ynglŷn â'r gyllideb ddrafft erbyn 12 Hydref 2016. Byddai'r Pwyllgor yn arbennig o ddiolchgar o gael gwybodaeth am y materion cyllidebol a amlygir yn yr atodiad i'r llythyr hwn.

Yn gywir

Bethan Jenkins AC

Cadeirydd



Atodiad

Cais am wybodaeth gan Weinidog y Gymraeg a Dysgu Gydol Oes er mwyn cynorthwyo Pwyllgor Diwylliant, y Gymraeg a Chyfathrebu i graffu ar Gyllideb Ddrafft 2017-18

Craffu ar y gyllideb ddrafft o safbwynt yr iaith Gymraeg

Mae dyraniadau cyllid penodol ar gyfer y Gymraeg yn y gyllideb ddrafft yn dod o fewn y Prif Grŵp Gwariant Addysg a Sgiliau. Hoffem eich gwahodd chi, Gweinidog y Gymraeg a Dysgu Gydol Oes, i ymddangos gerbron y Pwyllgor i drafod cyllideb ddrafft 2017-18 yn y cyd-destun hwn.

Yn ogystal â chraffu ar y dyraniadau yn y gyllideb ddrafft sydd â'r nod penodol o hyrwyddo'r iaith Gymraeg, mae'r Pwyllgor yn bwriadu ystyried sut y mae Llywodraeth Cymru wedi asesu effaith ehangach dyraniadau'r gyllideb ddrafft ar yr iaith.

Yn hynny o beth, byddai'r Pwyllgor yn ddiolchgar i gael y wybodaeth a ganlyn ar ffurf tystiolaeth ysgrifenedig.

Cyflwyniad y gyllideb

Mae'r Pwyllgor Cyllid wedi croesawu'r gwelliannau a wnaed i'r dull o gyflwyno'r gyllideb yn y blynyddoedd diwethaf, ac wedi argymhell y dylai'r gwaith barhau er mwyn sicrhau ei bod yn fwy eglur fyth sut mae dyraniadau'r gyllideb yn cyd-fynd â blaenoriaethau ac ymrwymadau Llywodraeth Cymru.

Fel y llynedd, hoffai'r Pwyllgor gael y llinellau gwariant unigol sy'n berthnasol i'r Pwyllgor hwn, ar gyfer eich portffolio chi.

Dylem nodi ein bod yn ymwybodol bod y Pwyllgor Plant, Pobl Ifanc ac Addysg wedi gofyn am wybodaeth gan Ysgrifennydd y Cabinet dros Addysg am ddarpariaeth yn y gyllideb i gefnogi'r broses o weithredu Strategaeth Addysg Cyfrwng Gymraeg Llywodraeth Cymru a Chynlluniau Strategol Gymraeg mewn Addysg awdurdodau lleol. Fodd bynnag, er mwyn hybu tryloywder, byddem ninnau hefyd yn croesawu'r wybodaeth hon er mwyn cael rhywfaint o gyd-destun o ran sut y mae cyllid i hybu'r Gymraeg wedi cael ei ddyrannu yn ei gyfanrwydd.

Blaenoriaethau ac ymrwymadau Llywodraeth Cymru

O ran blaenoriaethau ac ymrwymadau Llywodraeth Cymru, byddai'r Pwyllgor yn gwerthfawrogi cael y wybodaeth a ganlyn:



- manylion am y costau sy'n gysylltiedig â blaenoriaethau ac ymrwymadau Llywodraeth Cymru mewn cysylltiad â'r Gymraeg a/neu unrhyw waith sy'n cael ei wneud i asesu costau o'r fath;
- a ellir cyflawni'r blaenoriaethau a'r ymrwymadau hyn o fewn y gyllideb sydd ar gael ar gyfer y portffolio a manylion am unrhyw feysydd lle mae fforddiadwyedd yn destun pryder;
- gwybodaeth ynglŷn â sut y bwriedir monitro a gwerthuso'r graddau y llwyddwyd i gyflawni'r blaenoriaethau a'r ymrwymadau mewn cysylltiad â'r Gymraeg, a'r canlyniadau cysylltiedig, er mwyn dangos gwerth am arian; a
- pha ystyriaeth sydd wedi cael ei rhoi i'r *Ddeddf Llesiant Cenedlaethau'r Dyfodol (Cymru)* wrth wneud dyraniadau i gyllidebau mewn cysylltiad â'r Gymraeg.

Polisiâu allweddol

Byddai'r Pwyllgor yn arbennig yn dymuno cael gwybodaeth am y canlynol:

- beth yw'r berthynas rhwng dyraniadau'r Gyllideb Ddrafft a gweithrediad y strategaeth *Iaith Fyw: Iaith Byw* a'r ddogfen wedi'i diweddarau, *Bwrw Mlaen*, gan gynnwys gwybodaeth am sut y mae'r dyraniadau ar gyfer 2017-18 yn cysylltu â'r strategaethau hynny o ran targedau, canlyniadau a gyflawnwyd hyd yma a'r canlyniadau a fwriedir yn y dyfodol;
- i ba raddau yr ydych yn gallu nodi faint o arian a ddefnyddir i gefnogi neu amddiffyn y Gymraeg ar draws pob portffolio (gan gynnwys mewn cyllidebau nad ydynt yn uniongyrchol gysylltiedig â'r iaith Gymraeg), a pha gamau y mae Llywodraeth Cymru wedi'u cymryd tuag at allu darparu'r wybodaeth hon;
- sut mae'r broses barhaus o roi *Mesur y Gymraeg (Cymru) 2011* ar waith wedi dylanwadu ar ddyraniadau'r gyllideb ddrafft, gan gynnwys dyraniadau cyllid ar gyfer Comisiynydd y Gymraeg a'r sail a ddefnyddir i benderfynu ar y rhain;
- beth yw'r berthynas rhwng dyraniadau'r gyllideb ddrafft a gweithrediad y Strategaeth Addysg Cyfrwng Cymraeg, gan gynnwys gwybodaeth am sut y mae hyn yn cysylltu â thargedau, canlyniadau a gyflawnwyd hyd yma a'r canlyniadau a fwriedir.

